## DUNUNA BENMAKAN KA A BEN

Adamadenna Lasabati ni a la wuriki Sariyalu ma

## KALAMA DANTEELI

Bani fabadenna tomasere le ye, horoya ni telen ani jususuma di dununa do,

Bani adamaya lasabati lonbaliya ni a la gboyane le nanin benkanni di men ka moolu lamuriti, ka ke sababu di fana ka moolu kunna fulen, ka alu lo horoya ninina ka alu bo misikinaya do,

Bani adamaya lakanda ye wajibi le di, fo jamana ye ke jamana dafani le di sariya bolo ma, wole ye a kela moolu te muriti ka don jede makadan waa la,

Bani jamanalu la teeben ni alu la kaninteya ye fen ne di men kakan ka senbenteya,

Bani jamana mɛnnu ye "ONU" dɛkuruba kɔnɔ, wolu bara alu kan di ko alu di adamaden nakadan, ka a lawuriki ka ban ka cɛ ni muno lakana ko bɛε dɔ,

Bani alu bara alu kan di fana, ko alu di adamaya lafasa, ka adamaden la horoya dafa sila bee kan,

Bani, bεε bɛnni miriya kelen ma, ka a lɔ adamaya lasabati ma, wo ye wajibi le di bεε με, walako miriya wo ye se lataamala sila bεε kan, "ONU" gbaraba bara a kandi: ko adamaden lakanda sariya μin bara kε dunuμa bεε ye wajibi di, sa bεε ye a to i hankili la, ka i tɛsidi, ka mɔɔlu karan a la, ka alu jodon a la, ka a latinma jamanala tɛ.

## Sariya 1

Adamadennu bee sodonna kakan, horoya do, fabadenna do ani sariya ta fan do. Hankili ni sonome ye alu bee ma, a kakan wo do alu ye bakelenna sila lataaman alu noon te.

Sariya 2 nan

Moo kelen kelenna bee ni adamaden lakadan sariya kakan, i keda moo suusu di, i sii te mafene nna, i fadikolo te mafenenna, i kan te mafenenna, i la dina te mafenenna, i la jamana mara hankili te mafenenna, i sodondiya te mafenenna.

Ani fana jamanalu suuya te danbola ka a ben sariya wolu ma, alu mara hankili keda a suusu di, alu ma ke jamanalu horoyani di, alu keda mara suusu kono.

Sariya 3 nan

Adamaden kelen kelenna bɛɛ nii kakan ka lakanda, ka a la hɔrɔya lakanda, ka a kun nakanda.

Sariya 4 nan

Moo si makan ka kε jon di, ka kε bolokono moo di, jonna ni jonsan sila bεε bara laton.

Sariya 5 nan

Jankankata suusu ma kan ka sii moo la min di se fe siila a la adamadenna la, ka a kunnajii.

Sariva 6 nan

Adamaden kelen kelenna bee la mooya ka kan ka lon a ne sariya kunda bee la, a keda fanfan di.

Sariya 7 nan

Moo beε ka kan sariya na kodo, a ka kan fanan bee ye maben na kelen ma sariya bolo. Moo makan ka lafisaya moo di ka ben sariya nin lataamanna ma.

Sariya 8 nan

Moo bεε di se i makasila i la jamana sariya bonnu la ni bila kεda i la toɲεli sila ma, ni wo tε sariya sila ma.

Sariya 9 nan

Moo si te se minala ten, ka a don kaso la hamante ka gben a la jamana kono ni kun te a la.

Sariya 10 nan

A wajibiyani, adamaden na ko ye ke ko hakika di, ka a lankenemaya kitibon na telen konoma, ka a jo ni a jalaki danfaranbo.

Sariya 11 nan

Moo moo na a midada sika la sariya bolo ma, a ka kan ne ka jate folo ko a son te a do, han kiti ye a jalaki lankenemaya.

Moo moo na a midada sariya kodo bolo ma, sariya kuda sila ma kan ka lo a ma. Ani fana a la midali fanka ma kan ka tanbi sariya kodo jate la.

Sariya 12 nan

Moo ma kan ka a bila a moo μoo la kolu do ten; ka bo a la denbaya kolu ma, a la gbundu sɛbɛlu, ka wa sii a la lukono kolu la. A ma kan ka a dantiμεπ, a ma kan ka a suma gboya. Sariya ka kan ka bɛɛ lakanda ko suu wolu ma.

Sariya 13 nan

Taa ni seyi dahani bεε ye jamana kono. Jamana yoro yoro fana ka i diya, i dise i siila yen.

Moo kεε di se ka bo jamana kono, a kεda a fabada di, a kεda jamana gbεdε di, ka ban ka a kosεyi.

Sariya 14 nan

Dannatanbikolu kodo, bee di se i kun karifadiya ninina jamana gbede do, i don ma kan ka jen a la.

Ni sariya lonin te moo ma, moo men na a la jamana sariya tinenna ka a bori.

Sariya 15 nan

Moo bεε ka kan ka kε jamana do jamanaden di.

Moo si te se ha jen a la jamana denna la, i don di se fanan jamana gbede denna sodonna.

Sariya 16 nan

Ni alu sii seda a ma, kamarennu ni den musolu di se fudula noon ma, sinooya tε a do, dina ko tε a do. Alu bεε kakan sariya na kodo ko bεε do, fudu bolo ma.

Fudu te sidi alu te fo alu fila bee ba ben a ma.

Denbaya le ye jama tɛfɛden di. Wo dɔ, a kakan ka lakanda jamana bolo.

Sariya 17 nan

Moo moo, a keda a kelen na, a keda jama do, a di se ka a ta sodon.

Moo si bolo fen ma kan ka mina a la fanka bolo ma.

Sariya 18 nan

Hankili lamiri, sonome lamiri ani dina lawasanin bee ye. I di se ka i diyananta ta dinalu do, ka a silalu lataama.

Sariya 19 nan

A lawasanin bεε ye ka a miriya jida, foli do, sεbεli do, ka hankili πinin fan bεε, sila bεε fε. Ko si ma kan ka kε moo la wo si do.

Sariya 20 nan

A lawasani bee ye ba noon nadee, kuna do, keweli do men ni janfa sila te kelen di.

Moo tε se karabala ka ladon dεε do, dεε min man di a nε.

Sariya 21 nan

Jamanaden bɛɛ di se kɛla jamana kantii di, a yɛdɛkani walal a la mɔɔ suwandini.

Jamanaden bee kakan jamana baarakundalu do bolo kelen ma.

Jamana kantiilu fanka siini jamana den na lannaya le ma; jamanadennu ye alu sawo yidala wote ni wote le, ka ala lannaya moolu suwandi telen ni sariya do.

Sariya 22 nan

Jamana bee kakan ka jamanadennu lakanda na kelen ma. Sodon sila fe, dariya sila fe, lonni sila fe, lakandali wo ye bola jamana boloko le do ani a ye min sodonna ani jamana gbedelu la baaranooya do.

Sariya 23 nan

Bεε kakan ka baara sodon, ka baara ke sonoya do, baara men duman i με; bεε kakan ka latanka baaratanμa ma

jamana kono.

Baara mennu jate kakan, wolu kakan ka sara na kelen ne ma a kebaalu ye.

Baara kakan ka sara sodon, sara men di baarala ni a la denbaya balo hali a ma dese.

Baaralalu la noon nakafo dahani alu ye, alu la munanfan makadan sila fe.

Sariya 24 nan

Nooponni ni panate wajibiyani baarala bee ye, men ni sara tee te kelen di.

Sariva 25 nan

Se wajibiyani bee ye, se men di ani a la denbaya daha, ka alu kisi konkon ma, ka alu dafiyabo, ka lau jiya, ka alu dandan ani ka alu musakalu na. Ni jankaro ni baaratanna ani misikinaya latee suusu seda i ma, i kakan ka makadan.

Denbatii ni a den kakan ka madɛmɛn; den sədənda fudu də, a ma sədən fudu də, a bɛɛ kakan.

Sariya 26 nan

Kakan wajibiyani bεε ye, a don ma kan ka sara katere karan saara folo ni a filanan ma. Karan saara folo ye wajibi le di bεε ye. Baara makaran ka kan ka aalawanka. Bεε ka kan ka karan saara naaninan masodon tεε sidi bolo le ma.

Karan ka kan ka moo llawanka, ha a la mooya lasabati, ka a la horoya lawasa. A kakan ka ke sababu di ka noon nagboyane boloka, ka hina ni terinooya ladon dununa do, siyalu te, dinalu te, ka "ONU" deekuruba mademen ben nadonna dununa kono.

A dahani denbatiilu ye ka alu den bila karan na, karan men duman alu ye.

Sariya 27 nan

A wajibiyani bee ye ka tere i la jamana lonniko bee do han ka a tono sodon.

Bee la baara tono kakan ka lakanda, a keda sebe di, a keda lonni suusu di.

Sariya 28 nan

A dahani jamana bee ye ka bo sila di, sila men di sariya pinnu lakanda ka ke kunnafulen di adamadennu ma.

Sariya 29 nan

Bolo kəyinin kelen te bere ta, wo də, bee kakan ka kolo i la jama.

Jamana dafani də, ɛbɛɛ kakan ka to sariya le kə walako i kana bila dolu təpɛ də.

Sariya pinnu kakan ka lataaman "ONU" deekuruba la miriya le kan. A makan ka llataaman miriya gbede kan.

Sariya 30 nan

Dalilu si te moo bolo, a te jamana bolo, ka bo sila di, sila men di sariyaba ninnu tinen.